

Van die leuen tot die seën

Ek glo die vraagstuk kan baie omstredenheid ontketen, maar tog is dit 'n baie belangrike onderwerp wat openbaar moet word weens die fynheid van die verskil.

Voordat ons na die Skrif gaan moet ons tog eers kyk wat die twee woorde beteken.

Leuen = Opsetlike onwaarheid, valsheid, onwaar,

Lieg = Leuen, onwaarhede te vertel, verloën,

Duidelik klink die twee dieselfde, maar wat as die valsheid daaraan gekoppel word!?

Valsheid = Om vals te wees, onsuiver, oneg, nagmaak, onwaar, onjuis, bedrieglik, verraderlik, geveinsdheid, agterbaks, vals sweer of meined pleeg.

Wanneer 'n leuen om beswil gedoen word of dat 'n leuen met 'n goeie doel daar gestel word het dit 'n totale ander betekenis. "n Leuen in nood is so goed soos 'n stukkie brood" so sê die spreekwoord. 'n leuen in 'n moeilike omstandigheid is om jouself of ander uit daardie moeilikheid te help, en dat dit nie verkeerd is nie (*wil ek amper sê*). Maar as die leun gekoppel word aan valsheid soos wanneer jy 'n ware diamant vat en sy kop afsny en dit op 'n saffier of glas sit, dan is dit 'n onegte diamant en alles wat valsheid bo vir ons deurgee.

Noudat ons so 'n bietjie na die betekenis gekyk het kan ons na die Skrif gaan en ondersoek hoekom daar gelieg was deur Abraham, Isak en Jakob.

Verskeie kere het ons met ons voorvaders se liegery te doen in die Skrif dan lees ons skamerig net voort om dit soort van te ignoreer. Dus moet ons dit van nader beskou om 'n antwoord daarop te kry.

Abraham toe hy nog Abram geheet het, het hy vir hom 'n vrou gevat in die land Ur (*Wat eintlik sy niggie was*). Hy het toe 'n opdrag ontvang by YAH dat hy en sy mense die land moet verlaat en na Kanaän gaan. Hy het toe getrek en wel by Kanaän gekom en gesien wat YAH hom aangebied het en verder suid getrek. Hongersnood het hom getref op sy swerftog suid en was gedwing om hulp na kos te soek by die Egiptenare (*Asof YAH hom gestop het om verder suid te trek sodat hy terug keer en wag vir die belofte*). Met die terugdraai en aankoms in Egipte sit hy toe met die probleem dat hy 'n mooi vrou het en dat sy lewe deur haar in gevaar is (*Ek vra myself altyd die vraag af nl.: YAH het met hom gepraat en vir hom opdragte gegee en as hy gedruk of getoets word val twyfel hom aan en inplaas dat hy na YAH toe hardloop gee hy eerder in, in sy eie swakheid*).

Ons lees in *Gen. 12:12* *As die Egiptenaars jou nou sien, sal hulle sê: Dit is sy vrou en hulle sal my doodmaak en jou laat lewe.*

*Gen.12:13 Sê tog jy is my suster, dat dit met my goed kan gaan ter wille van jou en ek om jou ontwil in die lewe kan bly.:14 Toe Abram dan in Egipte gekom het, sien die Egiptenaars dat die vrou baie mooi was.:15 Ook het die vorste van Farao haar gesien en haar by Farao geprys. En die vrou is na die paleis van Farao geneem.:16 En hy het goed gedoen aan Abram om haar ontwil, sodat hy kleinvee en beeste en esels, slawe en slavinne, eselinne en kamele in besit gekry het.:17 Maar ~~die HERE~~ YAH het Farao en sy huis met groot plaë besoek ter wille van Sarai, die vrou van Abram.:18 Daarop laat Farao Abram roep en hy sê: Wat het jy my nou aangedoen? Waarom het jy my nie te kenne gegee dat sy jou vrou is nie?:19 Waarom het jy gesê: Sy is my suster—sodat ek haar vir my as vrou geneem het? Daar is jou vrou dan nou; neem haar en gaan weg.:20 En Farao het aan enkele manne aangaande hom bevel gegee, en hulle het hom weggebring met sy vrou en sy hele besitting.*

Ek glo dat die gelese verse nie die situasie mooi opsom nie weens tekorte van omstandighede wat alles daar wel gebeur het. Nie te min moet ons na dit kyk wat ons het en tot 'n konklusie kom. Abraham het net dit gehad wat hy mee uitgetrek het uit die land Ur. Ek glo dat hy net die nodigste goed gehad het om 'n bestaan te kon maak waar hy hom ook al mag bevind. Met die droogte was hy gedwing om te trek na Egipte. Waarom hy nou bang was vir sy lewe sal ons nie weet nie, want YAH het tog gespreek, maar hoekom daar nou vrees in sy hart opgekom het klink nie reg nie 'of soos ek sê, te min informasie' (Dit is interessant of verbasend dat net voordat hulle uit die land Ur getrek het was Abram gevang saam met sy broer en het voor Nimrod verskyn. Bileam die vloeker {towenaar} het met sy towery gesien dat daar 'n kind gebaar sou word wat 'n groot leier sou word en daarbenewens was Nimrod gewaarsku dat hy sy koningskap sou verloor in die nabye toekoms. Nimrod het toe die opdrag gegee dat alle babas gedood moes word tot op 'n sekere ouderdom {soos die Egiptenare gedoen het met dieselfde Bileam se raad}. Abram het dit vrygespring soos 'n Moses, maar met die verskil dat daar wel 'n slaaf se kind in sy plek gesterf het. Abram het groot geword sonder dat die plaaslike volk daarvan geweet het, maar was later uitgelewer deur sy eie pa aan Nimrod weens die fyt dat hy kwaad was vir Abram, want Abram het sy gode stukkend geslaan. Wat ook al sy kom hulle voor Nimrod te staande waarvan hy hulle tot die dood veroordeel. Hulle word soos Sadrag, Mesag en Abednégo in die vuur gegooi, maar met die verskil dat Abram se broer dood brand {weens klein geloof} en Abram nie {weens sy groot geloof}. Nimrod skrik toe groot en sien ook dat die volk Abram aansien as 'n "god" Nie te min ken ons die storie verder dat hulle wel getrek het uit die land uit weg van die heerskappy van Nimrod).

Maar soos ek begin het bo gevra het: Waarom die vrees nou ewe skielik vir die Egiptenare ? "Waarvan hy nie eens vir Nimrod bevrees was nie".

Ons moet nou Abram (Abraham) se situasie nou in oë aanskouing bring om te verstaan waarom die leuen. Voordat ek gaan verduidelik vra ek die vraag: staan daar in die 10 gebooie/Wette dat jy nie mag lieg nie ? Staan daar dat jy nie 'n leuen mag vertel nie ? Nee dit staan nie daar geskrywe nie! Gebod (1) geen gode (2) Geen gesnede beelde van daardie gode nie (3) Geen ydellik gebruik van YAH se Naam nie (4) Shabbat (5) Vader en moeder (6) Doodslaan (7) Verbaster (8) Steel (9) Valse getuie (10) Begeer.

Baie bring die valse getuie in as “lieg” wat nie so is nie. Sodra “lieg” gekoppel is aan “valsheid” ja dan oortree jy die Wet van VADER. Ek wil amper sê dat ons as mens (*uitverkore*) moet kan lieg teenoor Ha satans kinders (*mag*) tot voordeel van ons bestaan in YAHUSHA. Kom ek stel dit eerder so, as ons met hulle te doen kry dan moet ons slim wees in ons vrae en antwoorde wat ons vir hulle moet gee.

Nou kan ons kyk na Abram se “lieg” of slimheid wat tot sy eie voordeel gekom het. Abram het geweet dat YAH hom uitverkies het en dat hy in besit was van onverskrokkenheid (*Kyk toe sy broerskind Lot as gevangene weggevoer was saam met die Sodomiete het hy 'n klomp konings pak gaan gee om Lot en sy mense te kon red met sy klompie onverskrokke diensknegte*). Hy het 'n persoonlike verhouding gehad met YAH, want YAH het dit self erken dat Abraham Sy vriend is! Dus die besluite wat Abram op daardie stadium gedoen het, het dit YAH se goedkeuring weggedra; Ek wil amper sê dat dit 'n beplanning was van YAH wat Abram uitgevoer het. Dink net toe hy die besluit uitgevoer het, het hy ontsettend baie ontvang van daardie land (Gen.12:16; 13:2). Wat ook gesien moet word is dat Sarai nie van die plan geweet het nie daarom die woorde van Abram wat sy moes doen. Sy het wel geweet dat hy lieg weens die nood situasie wat hulle in verkeer en dat sy die opdrag moes uitvoer anders kan hulle Abram doodmaak. Abram aan die anderkant weet dat YAH met hom is en dat hy sterk moet staan en wag op Hom. Soos ek bo uitgewys het, het die lieg hom uit 'n verknorsing gehelp en dat dit YAH se goedkeuring weggedra het. Net in kort tot ondersteuning. In *Luk. 16:8* lees ons: *En die heer het die onregverdige bestuurder geprys, omdat hy verstandig gehandel het; want die kinders van hierdie wêreld is verstandiger teenoor hulle geslag as die kinders van die lig.* Die gedeelte haal ek aan om uit te wys dat die lieg of leuen wel sy voordeel het. Die bestuurder het losbandig gelewe met goed wat inderwaarheid nie syne was nie. Die eienaar word gewaarsku oor die man en tree in. Die eienaar was eers woedend en wou die man net wegjaag tot en met hy sien wat die bestuurder doen. Ek glo die bestuurder het nie geweet dat die eienaar weet wat hy doen nie omrede hy uit sy eie sy skuldenaars ingeroep het en hulle laat lieg het om self die skuld te verminder nie. Ons weet ook nou dat dit wat hy dit gedoen het, het hy in guns by die skuldenaars gekom. Tog het die eienaar die bestuurder genader oor sy 'agterna' besluite en vir hom genoem dat hy verstandig gehandel het; Dus kan ek dit deurtrek na Abram.

Abram trek na die beloofde land en trek tog weg na wie weet waar. YAH sien dit en keer hom en kom onder die tug van YAH. Abram was nou gedwing om te gelieg tot sy eie voordeel soos die bestuurder. YAH soos die eienaar sien dat Abram verstandig gehandel het en beloon hom met baie vee, silwer en goud. Dit eers daar gelaat.

Kom ons gaan oor na Isak. Ons kan nou ook dieselfde gebeure sien soos met Abram. *Gen 26:9 En Abiméleg het Isak geroep en gesê: Kyk, sy is dan tog jou vrou! Hoe kon jy dan verklaar: Sy is my suster? En Isak antwoord hom: Ja, ek het gedink ek kan miskien om haar ontwil my lewe verloor!* Ek wil amper sê dat Isak mooi by sy pa geleer het. Weereens die seën van YAH aan Isak soos ‘n Abram van ouds (*Ek wil dieselfde seën uitwys waar die volk Israel uit dieselfde land Egipte uitrek. Interessant dat dit elke keer Egipte was. Egipte is die land wat voorgestel word as die gebreekte of geknakte riet*{2 Kon.18:21}*}Dié geknakte riet is Gam*{Ps.78:51}*}en waarvan YAH Gam gebruik het. Noga se seun ‘Gam’ word gebruik om sy broer Sem te help en tog het YAH Gam / Egipte gebruik om die Israeliete groot te maak waar ons weet dat straf ook daar was aan beide kante van die twee seuns. Met Israel se uitrek uit Egipte was hulle weereens beloon met silwer en goud*). Wat ook besef moet word is dat VADER op allerlei maniere kan werk om SY seën in wording te laat kom of moet ek sê te laat manifesteer. Alles behoort tog aan VADER, alle silwer en goud, en HY mag daarmee maak wat HY wil. HY laat manna uit die hemel val, tog die kwartels / vleis van die aarde. HY vat by ander volke of HY sorg dat hulle gee. Tot nou toe kan ons verstaan dat die lieg geen valsheid besit nie en dus tot die voordeel van seën uit VADER se hand vir ons voorvaders.

Nou gaan ons oor na Jakob en Esau. Isak was baie lief vir Esau, en Rebekka was weer baie lief vir Jakob. Interessante huwelik waar Isak eintlik baie lief was vir Rebekka en dus haar keuse van liefde moes deel (*of grotendeels*), maar tog die tweespalk wat na vore gekom het weens die verskil in liefde vir die twee seuns. Soos genoem was Isak liever vir Esau weens sy natuurlewe en sy ruheid. Ek glo Esau moes ‘n sterk man gewees het waarvan hy so ook vir Isak beïndruk het, maar met dieselfde asem kan ek ook sê dat Jakob nie hoef terug te gestaan het nie “wat krag aanbetref”.

Die lewe en keuse wat Isak gemaak het kom snaaks voor, want Isak het tog ook met YAH gewandel en baie saam met sy pa Abraham deurgemaak en dus myns insien ‘n goeie keuse tussen goed en kwaad moes maak. In *Gen. 26:34* lees ons: *Toe Esau veertig jaar oud was, het hy Judit, die dogter van Beëri, die Hetiet, vir hom as vrou geneem, en Basmat, die dogter van Elon, die Hetiet.:35 En hulle was vir Isak en Rebekka ‘n bitter verdriet.* As jou kind ‘n verdriet is en verkeerd doen, hoekom hom die erfgenaam maak? YAH was ook kwaad en teleurgesteld op Esau op verskeie punte.

In Mal.1:3 staan dit dat YAH Esau haat. Esau was die wilde een van die gesin. Altyd wou hy net uitkom en in die veld verkeer. Ek dink hy was 'n handvol as hy in die huis moes bly as die weer nie toegelaat het dat hy nie na die veld kon gaan nie. Jakob aan die anderkant was weer 'n liefdevolle en meer 'n gehoorsame kind wat maklik by die huis sal verkeer. Toe Esau groot geword het, het hy vir hom nie net 'n vrou gevat nie, maar sommer 'n paar. Soos sy menswees is het hy gedoen wat hom behaag en nie wat sy ouers of YAH behaag nie. Hy het 'n traak-my-nie-agtigheid lewe laat voortspruit en dus nie oor sinlike dinge bekommerd geraak nie. Toe hy sy eerste geboortereg weggee het was hy in direkte konflik met YAH. YAH is baie erg op die eerste geboorte van alles op aarde en daarom die fees van die weke/eerstelinge fees. YAH het gesê dat in die plek van die eersteling seun in die huis moet daar 'n rein dier in sy plek geoffer word (*YAHUSHA het dit kom vervul*). Na die verwerping van eerste geboortereg gaan hy na die Kanaäniete en kry vir hom 'n paar Hetiete vroue waarvan hy gewaarsku was dat hulle nie met die Hetiete mag trou nie. Die Hetiete was 'n volksgroep wat in Kanaän gewoon het wat deels uitgemaak het wat met die banvloek getref sou word om plek te maak aan die Israeliete later van jare. Dus was hulle 'n verwerpte volksgroep wat 'n afstammeling was van Kanaän wat een van die seun van Gam was.

Nou hier kom Isak en roep sy seun Esau om hom die seën van die “eers gebore” te gee. Eers moet hy vir sy pa 'n bok gaan skiet en voorberei vir ete. Rebekka, Isak se vrou hoor die gesprek tussen hulle en neem dadelik 'n besluit soos ons dit kan lees in *Gen. 27:6 Toe het Rebekka met haar seun Jakob gespreek: Kyk, ek het jou vader met jou broer Esau hoor spreek en sê: Gen. 27:7 Bring vir my 'n stuk wild en maak vir my lekker ete, dat ek kan eet en jou kan seën voor die aangesig van die ~~HERE~~ YAH voor my dood.* Toe sê Rebekka aan Jakob: *Gen. 27:8 My seun, luister dan nou na my, na wat ek jou beveel.* *Gen. 27:9 Loop nou na die kleinvee en gaan haal vir my daar twee mooi bokkies, dat ek jou vader daarvan 'n lekker ete kan maak soos hy dit graag wil hê.* *Gen. 27:10 Dan moet jy dit na jou vader bring, dat hy kan eet; sodat hy jou kan seën voor sy dood.* Dus word hier tussen Rebekka en Jakob beplan wat nie voor YAH geduld word nie. Daar tree nie net 'n leuen in nie, maar ook valsheid. *Gen. 27:19 En Jakob sê aan sy vader: Ek is Esau, u eersgeborene. Ek het gedoen soos u my beveel het. Rig u tog op, sit en eet van my wildsvleis, dat u siel my kan seën* (Isak vermoet onraad en vra). *27:24 Hy het naamlik gevra: Is jy waarlik my seun Esau? En hy het geantwoord: Ja.* (Isak wou seker maak oor sy besluit wat volg) *27:26 Daarop sê sy vader Isak vir hom: Kom tog nader en soen my, my seun!* (Nou hier kom 'n erkenning wat ons ken as “die soen van erkenning of die soen van die dood”). *27:27 En hy het nader gekom en hom gesoen. Toe ruik hy die geur van sy klere, en hy seën hom en sê: Kyk, die geur van my seun is soos die geur van die veld wat ~~die HERE~~ YAH geseën het.*

Alles wat ons nou hier bespeur het tussen Isak en Jakob was valslik. Op elke punt wat aangeraak was, was vals en in die plek van 'n leuen. Jakob het nie net gelieg om sy lewe te red nie, maar het valslik gelieg om te steel (*YAH het dan vir Esau gehaat en dus sou Hy 'n plan gemaak het dat Jakob die seën ontvang het*). Ismael was ook die eersgebore, (*nie dat Ismael Abraham sin was nie*) maar Isak het geërf. Ismael het wel 'n seën ontvang dat hy 12 vorste sou word, maar Isak wat die biologiese bloedlyn was het 12 stamme geword waarvan hy Abraham se besittings geërf het (*YAH se belofte*).

Om dit prontuit uit te druk dat die scenario uitgebeeld kan word met Judas en YAHUSHA. Judas was erken en uitgewys deur YAHUSHA as 'n "satan", en hier kom en soen hy vir YAHUSHA die dag in Getsémané. Die soen van uitwysing, erkenning of die soen van die dood. Gulsig was Judas na die 30 silwerstukke en verloën sy "Broer". *Gen. 27:35 En hy antwoord: Jou broer het gekom met bedrog en jou seën weggeneem (gesteel)*. Verlore is jou seën wat jy moes ontvang.

Min het Isak geweet dat Esau sy eersgeboortereg verkoop het. As Isak geweet het sou hy Jakob as die eersgebore seun geseën het soos dit YAH behaag (*Wat reg was om te doen*). Dus van daardie dag af was beide seuns 'n verlore saak.

Jakob het toe sy goed gepak en verhuis na sy oom Laban om vir hom 'n vrou te soek en aan te gaan met sy lewe. Met die verblyf by sy oom was hy ook geteister met leuens. Hy het verlief geraak op Ragel en moes 7 jaar werk by die oom om die hand van sy dogter, maar na die jare ontvang hy vir Lea die suster van Ragel. Toe moes hy nog 7 jaar werk om Ragel te ontvang ens. Nadat hy klaar was om vir Laban te werk (*Vir sy dogters en besittings*) het hy teruggereis na sy vader in Kanaän. Op die pad terug gebeur daar toe baie interessante dinge met Jakob en sy mense. Esau en sy seun weet dat sy broer op pad terug was en hy wou dit stop. Op Jakob se terugreis pad maak YAH Esau so skrik dat hulle skoon van hulle perde afval; Hulle was toe bevrees dat Jakob hulle sou doodmaak, maar nie te min; Met die trekkery het Jakob op 'n plek agtergebly om in kontak te kom met sy Skepper.

*Gen.32:24 Maar Jakob het alleen agtergebly, en 'n Man het met hom geworstel tot dagbreek.:25 En toe Hy sien dat Hy hom nie kon oorwin nie, slaan Hy hom op sy heupbeen, sodat die heupbeen van Jakob uit lit geraak het in die worsteling met Hom.:26 Toe sê Hy: Laat My gaan, want die dag het gebreek. Maar hy antwoord: Ek sal U nie laat gaan nie tensy dat U my seën.:27 En Hy vra hom: Hoe is jou naam? En hy antwoord: Jakob.:28 Toe sê Hy: Jy sal nie meer Jakob genoem word nie, maar Israel; want jy het geworstel met Gød (jou) Skepper en met die mense en het oorwin.:29 Daarop vra Jakob en sê: Maak tog u Naam bekend! En Hy antwoord: Waarom vra jy tog na My Naam? En Hy het hom daar geseën.*

*Gen.32:30 Toe noem Jakob die plek Pniël; want, het hy gesê, ek het Gød Skepper gesien van aangesig tot aangesig, en tog is my lewe gered.*

Dink net by jousef, hoekom vra hy weer die seën as hy reeds een ontvang het by sy pa? Is dit omrede hy weet dat hy in meer straf leef as seën, weens valsheid by sy pa? Van die dag toe Jakob gelieg het vir sy pa was hy as 'n leuenaar en 'n bedrieër bekend weens die leuen wat gekoppel was aan valsheid. Daarom die harde lewe en die stry met die mense rondom hom om te kan bestaan. Jakob se worsteling met sy Skepper was nie 'n fisiese worsteling nie, maar pleit en smeking dat die seën sal herstel.

In *Jer. 31:29* staan: *In dié dae sal hulle nie meer sê nie: Die vaders het groen druiwe geëet, en die tande van die kinders het stomp geword. :30 Maar elkeen sal weens sy eie ongeregtheid sterwe; elke mens wat die groen druiwe eet, sy tande sal stomp word.* Met die verse in Jer. kan ons onself intrek. Om die seëning van Isak oor te laat gaan na Jakob en verder sal smeking en worsteling gepaard gaan.

Dit is soos wanneer 'n seun sit met 'n pa wat 'n Mafia baas was. Die pa het gemoor, gesteel en skatryk geword. Met afsterwe erf sy seun al sy geboue huise en skatte. Die seun het nie daarvoor gewerk nie, maar tot sit die stigma daaraan dat dit alles bekom was deur bloedgeld. Die man is nou geseënd en kan nou soos 'n koning woon en leef op aarde, maar tog bly dit in sy agterkop dat sy pa alles wat hy het wederregtelik bekom het. Nou kan ons vra wat kan die kind doen om uit so 'n situasie te kom? Sal dit help om alles te verkoop en die geld aan 'n liefdadigheidsorganisasies te skenk? (*Onmiddellik dink ek aan iemand wat bid dat hy die lotto mag wen en die geld aan so 'n organisasie sal skenk*) Nee dit sal nie help nie. Die seun bly nog steeds die pa se seun. Almal gaan hom nou steeds skeef uitkyk, want hy is die seun van 'n moordenaar.

Kom ons kyk wat het YAH met Jakob gedoen. Jakob het geweet dat hy en al sy mense dood gemaak kon word deur Esau en sy seuns (*Toe hulle op pad terug was na sy pa Isak*). Dus kon die seën wat gedeeltelik bewaarheid het tot stop gesit kon word deur YAH weens ongehoorsaamheid (*Dink net toe YAH kwaad was vir die volk in die woestyn wou Hy almal doodmaak en weer met Moses 'n nuwe volk begin Gen.32:10-12*). Soos Moses guns by YAH gesmeek het, het Jakob ook gesmeek. Met die worsteling (*Woorde*) het Jakob geweet dit is nou of nooit. YAH weet dat Jakob 'n seën ontvang het wat ON geregtelik was en dat Hy hom kan help as dit Hom behaag. YAH weet ook dat as Hy hom moet vergewe moet Jakob eintlik sterwe en terugkom as 'n ander Jakob of moet ek eerder sê 'n nuwe Jakob. Ek wil amper sê 'n nuwe mens om 'n nuwe seën te kan ontvang. Ons as die nageslag van Jakob moet in der waarheid stry vir die seën! Ja die seën is gegee van geslag tot geslag, maar nou wil ek vra, waar is die seën? Kyk wat tog gebeur het met die volk en waar hulle hulself nou bevind. Telkemaal was die seën van YAH herhaal vir ons. Sê die seën nie dat YAH ons Skepper en hemelse Heerser wil wees, en dat ons Sy uitverkore kinders sal wees nie. Waarom die seer en straf gerugte wat YAH se volk beleef? Is dit 'n seën of 'n vloek?



Kort, kort het YAH dit uitgewys dat Hy oor Abraham, Isak en Jakob se kinders begaan is. As jy nou mooi daaraan dink dat die verbond met Abram gesluit was en dat hy en sy nageslag die seën sou ontvang. Hoekom staan ons dan nie bekend gestaan as Abram “miete” nie ? Is dit nie omrede hy die twee seuns gehad het wat omstredenheid sou verwek. Wat van Isak soos in Isak “kiete”/Saksers. Indien Isak soos Abraham ‘n probleem gehad met sy twee seuns kon ons tog Jakob “biete” geheet het. Hoekom ‘n “nuwe” naam van Jakob?

Hier is die antwoord:

YAH het met Abram toe met Isak en laastens met Jakob probeer om ‘n pad te stap saam met hulle nageslag. Dit is nie soseer dat pa die probleem was nie, maar die kinders. Wat help dit dat YAH die pa seën, want deur die kinders se hardnekkigheid gaan die seën oor in ‘n vloek (Deut.28). YAH het met Jakob se worsteling/ pleit ‘n besluit gemaak hoe om Sy uitverkore kinders te help (*Want YAH het Ha satan plan gesien*). Hy moes iewers ‘n weer begin maak met Sy gelofte van geslag tot geslag sodat Sy uitverkore nie verewig verlore mag gaan nie. Jakob kon ook net ‘n paar kinders gehad het, maar YAH het reeds die seën wat belof was in werking laat tree voor die “worsteling”. Dit was net dat Hy dit persoonlik moes doen met Jakob.

YAH verander Jakob se naam en gee hom ‘n nuwe identiteit en noem hom ‘Israel’ wat beteken “Jy Redeneer/Pleit/Smeek met Skepper”. YAH erken Jakob as “eersgebore” in Sy huis. Jakob bestaan nie meer nie, maar Israel wel as ‘n nuweling in die huis waar YAH woon. Dus seën YAH hom as ‘n “nuweling” wat ten volle geseënd mag wees en ‘n geseënde lewe daarvandaan kan geniet. Van daardie dag af is hy en sy kinders eersgeborenes en erfgename van YAH (*Ons Vader*).

YAH het geweet dat Hyself die seën moes uitspreek oor Jakob as Vader en daardeur is Israel gebore as nuweling in Sy huis. Ja op daardie dag na die worsteling met YAH is hy “van bo gebore”. Hy en sy nageslag is die enigste wesens op aarde wat so ‘n seën en voorreg ontvang het. Ewiglik sal daardie seën staan. Ewiglik sal die nageslag van Israel “Worstel, Pleit en Smeek” met YAH hulle Skepper en so ook “Worstel” met al die volke rondom hulle. Nou weet ons dat ‘n Israeliete dié geboorte van bo kan ontvang en nie ander volke nie. Slegs die wat in daardie biologiese bloedlyn gebore is van Israel sal toegang hê in die bruilofsmaal met YAH se wederkoms.

Tot uitwysing oor die geboorte van bo moet ons na ‘n paar aspekte kyk. Jakob het die geboorte van bo ontvang en ‘n nuwe mens en nuweling in die Koningshuis geword. Kinders word wel vir hom gebore, maar is nie vanselfsprekend van bo gebore nie. Kom ek stel dit so; die kinders is latent en YAH wag op hulle om gereed te maak om van bo gebore te kan word. Sodra die volk gereed is sal ons oorgaan in die rus van ons Koning. Om die term “van bo gebore” (*Weer gebore*) te verbreed kan ons gaan na YAHUSHA en Nikodémus.

Ons lees in Joh. 3:3 ~~J\*sus~~ YAHUSHA antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van God VADER nie sien nie. :4 Nikodémus sê vir Hom: Hoe kan 'n mens as hy oud is, gebore word? Hy kan tog nie 'n tweede keer in die skoot van sy moeder ingaan en gebore word nie? :5 ~~J\*sus~~ YAHUSHA antwoord: Voorwaar, voorwaar Ek sê vir jou, as iemand nie gebore word uit water en Gees nie, kan hy in die koninkryk van God VADER nie ingaan nie. :6 Wat uit die vlees gebore is, is vlees; en wat uit die Gees gebore is, is gees. :7 Moenie jou verwonder dat Ek vir jou gesê het, julle moet weer gebore word nie. :8 Die wind waai waar hy wil, en jy hoor sy geluid, maar jy weet nie vanwaar hy kom en waarheen hy gaan nie. So is elkeen wat uit die Gees gebore is.

YAHUSHA sê: as jy nie “van bo gebore” verstaan nie is dit nie vir jou nie; Omrede jy dit nie verstaan nie kan jy nie verwelkom (ingaan nie) word nie. Om te kwalifiseer om te verstaan en in te kan gaan moet jy:

Eerstens: Besef dat alle lewe op aarde kom uit water. Daar is niks op aarde gebore wat nie uit water gebore was nie. Van 'n insek, dier tot die mens is uit water gebore. Ons weet dat ons geleer is dat ons van stof tot stof is, maar die mens soos die dier en insek bestaan meer as 70% uit water (*groter % in babas*) die 30% is die stof tot stof. Dus die 70% word weer deel van die lug wat ons inasem, drink, ens. Soos ons ook geleer het in Lev. dat die siel verbind is met die bloed, ‘dus in daardie 70% water is’. Dit is baie belangrik om te verstaan wat bedoel word “gebore uit water”. Party bring die doop in wat 100% verkeerd is, want die water doop is die afwassing (*uitwassing*) van Wetsoortredinge nie geboorte van bo nie. M.a.w. die 30% word nie skoon gewas van oortredinge nie, maar wel in die 70% wat water is. Dus om die verduideliking oor water te verstaan is; Alles wat uit die aarde is behoort aan die aarde; Alles buite die water geboorte is nie van die aarde nie (*soos die boodskappers of bo natuurlik wesens*).

Tweedens: Die geboorte op aarde uit Gees. Bo het ons die geboorte uitgewys wat uit stof en vloeistof bestaan. Nou daardie liggaam van 'n insek, dier of mens moet nou asem kan haal. Die asem word Ruach in Hebreeus genoem. Alles op aarde moet daardie “Ruach” hê wat van ons VADER af kom. Dus sonder daardie “Ruach” sal daar nie een lewe op aarde bestaan nie. Ons as Israeliete (biologiese nasate van Israel) wat daardie lewensbelangrike “Ruach” van VADER het, het nie net dit ontvang wat die res van YAH se skepping ontvang het nie. Ons het die “ha Kodesh” by die “Ruach” van VADER ontvang. “ha Kodesh” beteken: afgesonder, afsondering of afgesonderde. Dus het die Israeliet die “asem van afsondering” ontvang (Mal.2:15). Dit kan ook gestel word dat ons met die “Krag” van VADER se asem in ons asem het.

Wat nou baie belangrik is om te weet is dat die afgesonderde Gees wat teenwoordig is in al die biologiese kinders van die Israeliet latent is. Al die nageslagte van Israel (*die 12 seuns van Israel*) is in besit van die “ha Kodesh” deur geboorte, maar moet nog steeds ‘n “weer geboorte van bo” ontvang ander kan hulle nie in die koninkryk (*verstaan*) ingaan nie.

Nou vir die wat dit verstaan wat ek (YAHUSHA) probeer deurgee sal nou die volgende verstaan nl.: Ons as die enige en enigste volk (*Abraham, Isak en Jakob/Israel*) op aarde wat in besit is van VADER se “ha Kodesh” moet uit die latente stadium uitkom. Ons ieder en elk was (“logies”) gebore op aarde, maar met die inligting moet ons nou gaan om van bo gebore te word soos ‘n Jakob van ouds. Om dit te kan ontvang moet ons voorbereiding doen (*Net in kort oor ‘voor bereiding’: Dit beteken voordat daar oorgegaan word om te berei. Berei beteken vir ‘n doel geredmaak of klaarmaak*). Jy as ‘n uitverkore individu moet gereed en gewillig wees om vir VADER diensvaardig te wil wees. Jy moet jou voorberei vir die “huwelik” met YAH.

Eerstens moet daar **inkering** (oortredings besef) **bekering** (*omdraai weg van oortredinge*) en **doop** (*afwassing van oortredinge*) wees. Die doop is weer in twee verdeel nl.: Water doop van Johannes (*onderdompeling*) en die **vuurdoop** van YAHUSHA.

Wat die stappe behels is soos volg: Hetsy water of vuurdoop, dit is geestelik. Met die water doop was jy die oortredinge af, wat die voorbereiding is voor die vuurdoop. Die vuurdoop is die voorbereiding voor die geboorte van bo. Die water doop soos bo uitgewys moet gebeur en gedoen word sodat die vuurdoop kan plaasvind.

Wat is vuurdoop sal baie vra, tog is dit voor die hand liggend. Om gedoop te word is ‘n plegtige handeling tot inwyding en begin van geloof gemeenskap. Wanneer die geloof gemeenskap begin staan jy onder vrywillige wet en orde. Van die begin van inwyding in die geloof gaan YAH jou toets en beproef. In die begin (*na doop*) sal YAH jou beskerm en oppas sodat realiteit by jou as mens kan begin. Realiteit in die sin dat die ou dinge verby is en die nuwe lê nou voor. Dit is ‘n leerproses tussen reg en verkeerd, en dat daar keuses gemaak moet word tussen goed en kwaad. YAH gaan jou eers oplei soos ‘n Rekkie in die weermag en jou dan blootstel aan versoeking (*onthou Hy versoek nie, maar wel Ha satan en sy mag*). Met die nuwe lewe (*na die doop*) waar Hy jou nou aan baie blootgestel is die loutering (*loutering is ‘n proses waar ‘n edelmetaal {soos goud} in ‘n vuurvaste houër in is en in ‘n oond of vuur gesmelt word waar die smid die slak of afdryfsel afskep sodat daar net die suiwer metaal in die pot kan wees*). Deur die water doop het ‘n begeerte ontstaan. Berusting het by baie ingetree, maar ongelukkig het totale rus ook ingetree. Vuurdoop begin gewoonlik heelwat later waar baie van die gedoopte manne (die groot rus) vaal. Vuurdoop is nie vir almal (*een in ‘n stad en twee uit ‘n geslag*) nie, want dit onderskeid. Dit is die toets tydperk tot onderskeiding tussen skaap en skaap.

Wat het YAHUSHA gesê wat gedoen moet word ?

*Matt. 19:28 En ~~J\*sus~~ YAHUSHA sê vir hulle: Voorwaar Ek sê vir julle dat julle wat My gevolg het, in die wedergeboorte (geboorte van bo) wanneer die Seun van die mens op Sy heerlike lofwaardige troon gaan sit, julle ook op twaalf trone sal sit en die twaalf stamme van Israel sal oordeel.:29 En elkeen wat huise of broers of susters of vader of moeder of vrou of kinders of grond ter wille van My Naam verlaat het, sal honderd maal soveel ontvang en die ewige lewe beërwe.*

YAHUSHA sê: (1) dat daar 'n geboorte moet plaasvind.(2) 'n nuwe lewe sal intree (3) verlaat alles en almal terwille van Sy Naam. (4) ontvang baie (5) beërwe die ewige lewe.

Die mens het twee geboorte datums op aarde nl.: Die dag toe hy as baba die eerste asem ("Ruach") in geasem het was die eerste, en die dag toe hy die asem ("Ruach") uitgeblaas het was die tweede. M.a.w. voor en na die bestaan van die stoflike. Tussen daardie twee geboortes wat "vleslik" was moet daar 'n "Geestelike" geboorte ook kan inpas. Indien jy dit as mens toegelaat het sal 'n nuwe lewe moontlik wees. 'n Vereiste is daar gestel deur YAHUSHA dat jy alles moet verlaat as dit in stryd is met Sy Naam. Hy beloof dat die dinge wat jy nou gaan beleef baie meer sal wees as wat jy nou het. Die grootste van Sy beloftes is die ewige lewe.

In kort oor die verlaat van "*huise of broers ..... ter wille van My Naam verlaat het*". Dit kan wees wanneer hulle strydig met jou is teenoor jou nuwe lewe, ook wanneer fisiese dood wil intree wanneer jy opstaan vir YAHUSHA of soos die vers sê: ter wille van YAHUSHA hulle verlaat.

*Joh. 6:53 En ~~J\*sus~~ YAHUSHA sê vir hulle: Voorwaar, voorwaar Ek sê vir julle, as julle nie die vlees van die Seun van die mens eet en Sy bloed drink nie, het julle geen lewe in julleself nie.:54 Hy wat My vlees eet en My bloed drink, het die ewige lewe, en Ek sal hom opwek in die laaste dag.:55 Want My vlees is waarlik spys, en My bloed is waarlik drank.:56 Wie My vlees eet en My bloed drink, bly in My en Ek in hom.:57 Soos die lewende VADER My gestuur het, en Ek deur die VADER lewe, so sal hy wat My eet, ook deur My lewe.*

YAHUSHA sê duidelik "eet" en "drink".

'Eet' verteenwoordig om versadig te word; 'drink' is om vervul te word. YAH het die doop vir ons daar gestel; So het Hy die weg na die "geboorte van bo" in plek vir ons sodat ons die geskenk van die ewige lewe wat daarop sal volg kan ontvang. Dus moet ons YAHUSHA eet en drink in die sin om van Hom te leer en oor Hom te praat. Om van Hom te eet is om vervuld te raak deur te luister en in te neem wat Hy jou leer. Om van Hom te drink is wanneer jy ander van Hom vertel sodat hulle gevul kan word. M.a.w. eet is ontvangs en drink is uitdeel. Lewende water moet uit jou mond spoel al tree die dood in.

*Pleit en smee soos Jakob van ouds by YAH. Bedink al die dinge my broer*

Jes.52:6-10; 56:3-8; 48:16-19; 49:5-13; 42:5-9; 43:10; 44:1-8; 45:5-8